

Nivîsa ji

navîgasyona dibistanê

Piştî dibistanê diçî ku derê?
Alîkariya oryantasyonê ya dibistanên pêşvebir li
Herfordê

Tevahiya navîgasyona dibistanê li jêr e:
www.herford.de/schulnavigator

Piştgiriya wergerê di çarçoweya programa welatî de
pêk tê ango,
WERE NRW-Ê „



Dêûbavên hêja,

Zarokê we niha di sinifa 4. de ye. Ew ê di nêz de here dibistaneke pêşvebir. Ji bo we û zarokê we niha gelek pirs hene:

- Ev ê çawa pêş ve here?
- Pêşniyara dibistana seretayî çi ye?
- Em ê çawa bi hev re dibistana pêşbir ya rast bibînin?

Di vê nîvsalê de em ê pêşniyara dibistanekê bo zarokê we bikin, ku ev pêşniyar dê wekî oryantasyon bibe alîkar bo zarokê we bizanibe, ku ew here kîjan dibistana pêşvebir. Bajarê Hansa Herford xwedî dibistanên curbicur û zindî ye. Gymnasium, 3 Dibistanên Real, Dibistaneke Giştî û Dibistaneke Piştgir hene. 3

Bi vê broşurê re em dibistanên pêşvebir bi we didin zanîn ku li bajarê Hansa Herfordê ne. Tevahiya dibistanên li bajarê Hansa Herfordê xwedî profileke xweser, baldariya (fêrbûnê) xweser in. Fêrbûna van agahiyên dê ji we re bibe alîkar, ku hûn biryarek bistînin.

Mamosteyên xwedî motîvasyon û zanyariya herî bilind dê bi piştgiriya herî pêkan heta qedandina dibistanê rêhevaltiya zarokê we bikin. Her wisa dema ders, konseptên li gel yê pedagojîk û pêşkêşiyên têkildar wekî firavîn, lênêrîn ya dibistana gişrojî dê ji bo we kêrhatî bin.

Peywira Bajarê Hansa Herford ew e, ku bi heyiyên pisporî û odesazî, ku bingeha saziyane ji bo klîmayeke baş ya fêrbûnê pêk tîne, bixe meriyetê, da ku perwerdeya zarokên me pêk bê. Bajarê Hansa Herford bi rêkûpêk bo xizmetê alîkarî dide dibistanan. Tenê di nav 6 salên dawî de 12 Mîlyon Euro pere bo xizmetê razandiye. Herî zêde alîkarî bo beşên biyolojî, kîmya û fîzîk hat kirin. Ev pere ji bo kareke baş hatiye xerckirin, ji ber ku me vê pereyê ji bo siberoja zarokên xwe xerc kiriye.

Ez baş dizanim, ku hûn ê li bajarê me dibistaneke bi dilê xwe ji bo zarokê xwe bibînin, ku şertên fêrbûnê herî baş in û ez ji bo we û zarokê we destpêkeke baş li dibistana nû hevî dikim.
Bi dilxwazî

Birgit Froese-Kindermann
Encûmana bo perwerde, ciwan û sosyalê

JI DIBISTANA SERETAYÎ BER BI DIBISTANA PÊŞVEBIR VE

Dibistana Seretayî

Zarokê we salên berê diçû Dibistana Seretayî. Mamosteyên li wê derê dizanin, ji bo zarokê di fêrbûnê de çi hêsan e û çi belkî hêj zehmet e. Dibistana Seretayî pêşniyariyek dike, ku kîjan dibistana pêşvebir ji bo zarokê we baş e, da ku zarokê piştgirî û hêz bistîne. Li Nordrhein-Westfalen dêûbav biryar didin, ku zarokê wan here kîjan dibistanê. Ji bo vê li tevahiya Dibistanên Seretayî derfeta şewirmendiya takekes heye.

Bi mamoste û xebatkarên din yê pedagojîk yê Dibistana Seretayî re di derbarê vê pêşniyarê de biaxivin. Divê hûn pêşniyara Dibistana Seretayî cidî bigirin.

Roja bo serdana her kesî

Hûn bi zarokê xwe re sûtê ji roja bo serdana her kesî bigirin. Tevahiya dibistanên pêşvebir di mehên mijdar, kanûn û çileyê de "rojên derfetê" yê bi vî rengî pêk tînin. Hûn dikarin serdana sinifên dersê bikin û mamsoteyan nas bikin. Li hinek dibistanan her wisa dersên bo nîmûne ji bo zarokan tînin pêkanîn. Nêrînên pêşîn girîng in. Ew dikarin di derbarê biryara li ser dibistanê ji bo we û zarokê we bibin alîkar.

Qeydî

Bi bawernameya nîvsalî û pêşniyara Dibistana Seretayî re zarokê xwe li dibistana ku we biryar li ser daye qeyd bikin. Rojên hevdîtinan dê di çapemenî û internetê de di demeke rast de bînin diyarkirin. Rojên hevdîtînên bo qeydiyê dê her wisa ji aliyê rêveberiya dibistanê ve bo we bi nivîskî bê şadin. Li Herfordê Dibistaneke Giştî, 3 Dibistanên Real û 3 Gymnasium hene.

Ji bo qeydiya zarokê we li dibistaneke pêşvebir pêdiviya we bi van belgeyan heye:

- Sertîfîkaya jidayikbûnê yan jî belgeya secereyê •
- bawernameya herî dawî ya zarokê we ku pêşniyara Dibistana Seretayî li gel •
- planên piştgir yê pêkan •
- Di rewşa mafê lîstîna takekesî de biryara mehkemeyê. •

şertê qebûlkirina bo sinifa 5. ew e, ku qedandina bi awayekî serkeftî ya Sinifa 4. ya Dibistana Seretayî.

Tevahiya rêvebirên dibistanê di tevahiya rojên bo qeydkirinê de ji bo bersiv û şewirmendiyê bo we amade ne.

Bawername

Li dibistanan bidestxistina bawernameyên curbicur pêkan e.

Ev hene:

- Bawernameya Dibistana Bingehîn piştî sinifa 9 •
- Bawernameya Dibistana Bingehîn piştî sinifa 10 •
- bawernameya Dibistana Navîn piştî sinifa 10 (Amadebûna bo dibistana jorîn •
ya pîşeyî) – bi û bêyî danasîna kanînê •
- Abitura Pîşeyî – beşa dibistanî •
- Abitur •

Divê her zarok li gorî karînen xwe bawernameya herî baş û pêkan bi dest bixe. Piştî sinifa 10. xwendekar dikarin bi bawernameyeke zanyarî li ser barkirî dibistana xwe bo Gymnasium, Dibistana Giştî yan jî Koleja Pîşeyê biguherînin, bo ku Abitura Pîşeyî yan jî Abitur bi dest bixin.

Şêwirmendî

Li vê derê hûn dikarin di derbarê çûna dibistana pêşvebir de bişêwirin.

Saziya Dibistanê bo Devera Herford •

3Amtshausstr.
Herford 32051
1469-13 05221Telefon:

yan jî li gel

Şêwirmendiyên dibistanê yên herêmî yên Devera Herford •

Ravensberger Str. 6
Herford 32051
60 98 84 2 05221Telefon:

Pêdiviya Piştgiriye/Hewandinê

Pêdiviya zarokê we bi piştgiriye heye? Fêrbûna bi hev re ya zarokên têkel yên pêdiviya wan bi piştgiriye heye û tune ye li çar dibistanên pêşvebir yên Herfordê di vê demê de pêk tê:

- Ernst-Barlach-Dibistana Real •
- Dibistana Giştî ya Friedenstal •
- Königin-Mathilde-Gymnasium •
- Otto-Hahn-Dibistana Real •

Hûn ji **roja bo serdana her kesî** ya li van dibistanan sêdê bigirin û rasterast pirsên li ser „fêrbûna bi hev re“ û derfetên piştgiriye bo zarokê xwe bikim.

heqê riya xwendekaran

Xwendekarên , ku bêhtirî 3,5 Kilometre ji dibistana pêşvebir ya herî nêzîk dûr dijîn, xwedî mafê li ser bilêta bo çûnûhatina bo raya giştî ne. Hûn dikarin agahiyên berfireh yên di derbarê heqê riya xwendekaran de li gel Bajarê Hansa Herford bi dest bixin, Telefon 05221 189-646.

KÎJAN DIBISTAN LI GORÎ ZAROKÊ WE YE?

Ev formên dibistanê li Herfordê hene:

DIBISTANA GIŞTÎ

- perwerdeya giştî ya dorvekirî û kûr
- Amadekariya bo perwerdeyeke pîşeyî yan jî xwendina zanîngehê
- Oryantasyona tempoya fêrbûnê li ser zanîn û karînên zarokan

Dibistana Giştî xwendekaran hem ji bo perwerdeyeke pîşeyî hem jî ji bo xwendina li zanîngehekê amade dike. Xwendekar dikarin bi karînên fêrbûnê yê curbicur li Dibistana Giştî bi hev re fêr bibin. Li Dibistana Giştî zarok dikarin xwe di demeke berfireh de xwe pêş bixin û tevahiya bawernameyan bi dest bixin. Xwendekarên keç û xort, yê bêhtir dem ji bo fêrbûna wan pêwîst e, li Dibistana Giştî bêhtir dem didin wan.

Ders di hinek beşên xwendinê de di asta bingehîn de û asta berfireh de tê dayîn, ji bo ku zanîn û karînên curbicur yê xwendekaran li ber çav bê girtin. Bi vê re her zarok li gorî hêza fêrbûna xwe piştgirî distîne û daxwaz jê tê kirin.

Qetastên cerebeyê tune ne, ji bo ku tu zarok piştî sinifa 6. Mecbûr nemîne ku dibistanê biterikîne.

Bi serlêdana dêûbavên zarokan derfeta dubareya sinifê bo zarokan heye lê eger zarok bikaribin bi vê yekê re bêhtir piştgirî bistînin.

Mirov dikare piştî 13 salên xwendina dibistanê Abitur bi dest bixe.

Li Dibistana Giştî mirov dikare tevahiya Bawernameya di Asta Navîn I û Asta Navîn II de bi dest bixe:

- Bawernameya Dibistana Bingehîn piştî sinifa 9
- Bawernameya Dibistana Bingehîn piştî sinifa 10
- — Bawernameya Dibistana Navîn (Amadebûna bo dibistana jorîn ya pîşeyî) bi û bêyî danasîna kanîne
- Amadebûna Zanîngeha Pîşeyî (Abitura Pîşeyî) – beşa dibistanî
- Amadebûna giştî ya bo Zanîngehê (Abitur).

Li Bajarê Hansa Herfordê ev Dibistana Giştî heye:
Dibistana Giştî Friedenstal. •

DIBISTANA REAL

- perwerdeya dorfireh û giştî
- piştgiriya karînên pratîkî
- hişyarkirina baldariyên li ser têkiliyên teoriyê

Dibistana Real perwerdeya dorfireh û giştî dide. Karînên pratîkî her wisa piştgirî dibînin, wekî ku baldariyên li ser têkiliyên teoriyê piştgirî dibînin. Bi armanca bo perwerdeyê pîşeyî naverokên di derbarê pîşeyan de di tevahiya beşên xwendinê de tên berçavkirin.

Piştgiriya bo şiyaneyên taybet

Dibistanên Real dikarin rasterast piştgiriya şiyaneyên taybet bikin û hin baldariyên din li dersan zêde bikin. Li gel beşên bingehîn yê dersên li Dibistanên Real her wisa dersên dorpêç jî tên dayîn. Di van dersan de xwendekar wekî din bêhtir piştgirî digirin. Bo nîmûne di beşên wekî Almanî, matematîk, zimanên biyanî, zanistên xwezayî û hînkariyên li ser pîşeyan.

Li Dibistana Real mirov dikare van bawernameyan bi dest bixe:

- Bawernameya Dibistana Bingehîn ya wekî bawernameya piştî sinifa 9
- Bawernameya Dibistana Bingehîn ya wekî bawernameya piştî sinifa 10
- bawernameya Dibistana Navîn (Amadebûna bo dibistana jorîn ya pîşeyî) -bi û bêtir danasîna kanîne.

bawernameya Dibistana Navîn ya herî kêr bi notên memnûn di tevahiya beşên xwendinê de mafê dide ku xwendekar here asta bilind ya gymnasiumê ya li Gymnasiumê **yan jî** here Dibistana Giştî **yan jî** Gymnasyuma Pîşeyî li koleja pîşeyî.

Eger notên xwendekarê yan jî xwendekarî piştî dawiyê sinifa 10 bi taybet baş be, derî li pêş derfeta bo destpêkirina qonaxa hînkariya bo asta bilind ya gymnasiumê li Gymnasyuman yan jî Dibistanên Giştî vedibe. Beşdariya bo darsa zimaneke din ya biyanî ji sinifa 6 heta sinifa 10 ji bo vê yekê şert e.

Sinifên 5 û 6 di Dibistana Real de asta cerebeyê pêk tînin.
(binêre her wisa rûpel 7)

Li Bajarê Hansa Herfordê ev Dibistanên Real hene:

- **Ernst-Barlach-Dibistana Real**
- **Otto-Hahn-Dibistana Real**
- **Geschwister-Scholl-Dibistana Real**

GYMNASYUM

- Perwerdeya kûr û giştî
- Nîqaşên li ser pirsyariyên tevlihev
- Amadekariya bo xwendina zanîngehê

Gymnasyum perwerdeyeke kûr ya giştî dide, ku hem zanyariya bo xwendina zanîngehekê hem jî bo perwerdeyeke pîşeyî pêk tîne. Divê ders pêşî li nîqaşên pirsyariyên tevlihev veke û piştgiriya ramana rexneker bike.

Ev xwedî pêvajoyeke berdwamî ya perwerdeyê ye ku tê de hem asta duyemîn I (Sinifa 5 heta 10) hem jî asta bilind ya gymnasyumî ya sêsalî (asta duyemîn II) cih digirin.

Di sinifên 5 heta 7 nêzîkî tevahiya beşên xwendinê yê beşa peywirî piranî li yekîtiya sinifan ders tê dîtin.

Gymnasyum dibe alîkar ku xwendekar piştî sala xwendinê ya 2018/2019 piranî piştî 13 salên dibistanê Amadebûna Zanîngehê ya giştî bi dest bixin. Gymnasyum li gorî daxwazan xwedî derfet in, ku Abitur bi 12 salên dibistanê li wan bê bidestxistin.

Li gorî baldariya xwe li Gymnasyumê pirsên xwe bikin!

Li Gymnasyumê mirov dikare tevahiya bawernameyên asta duyemîn I û II bi dest bixe:

- Amadebûna Zanîngeha Pîşeyî (Abitura Pîşeyî) – beşa dibistanî
- Amadebûna Zanîngehê (Abitur)

Die gymnasiale Oberstufe oder das berufliche Gymnasium setzen den Bildungsgang der Sekundarstufe I fort und schließen in der Regel mit der Abiturprüfung ab.

Li Bajarê Hansa Herfordê ev Gymnasyum hene:

- **Friedrichs-Gymnasyum**
- **Königin-Mathilde-Gymnasyum**
- **Ravensberger Gymnasyum**

ASTA CEREBEYÊ LI DIBISTANA REAL Û LI GYMNASYUM

Sinifên 5 û 6 li Dibistana Real û Gymnasyumê asta cerebeyê pêk tînin. Di vê demê de xwendekar bêyî ku bînin transferkirin derbasî sinifa jorê ya li pêş xwe dibin. Di dawiya sinifa 6. de hêza karînan ya zarokî, not û pêşketinên wî yê tînin hêvîkirin. Biryar didin, ku zarok di vê forma sinifê de dimîne, vê salê dubare dike yan jî divê here formeke din ya dibistanê.

Eger guhertina dibistanê pêwîst be, dibistan herî dereng şeş hefte beriya dawîbûna sala dibistanê formeke din ya dibistanê bo dêûbav pêşniyar dike.

DIBISTANA PIŞTGIR

Xwendekarên pêdiviya wan bi piştgiriya taybet heye dikarin her wisa li Dibistanên Piştgir der bibînin. Heft cureyên baldariya piştgiriye hene:

- Fêrbûn •
- Ziman •
- Pêşketina hîsî û sosyal •
- Dîtin •
- Bihîstin û Komunîkasyon •
- Pêşketina giyanî •
- Pêşketina laşî û motorî. •

Dibistanên Piştgir yê xwedî baldariya piştgiriye wekî „Dîtin“ „Bihîstin û Komunîkasyon“ û „Pêşketina laşî û motorî“ li derveyê deverê hene. Agahiyên di derbarê vê de hûn dikarin li Saziya Dibistanê bigirin.

Dibistaneke Piştgir dibistaneke ji bo zarokên, ku li dibistanên ji rêzê hîç yan jî kêr piştgirî dikarin bistînin e. Hûn bi xwe ne ewle ne, ku zarokê we here Dibistana Piştgir yan na? Bi mamosteyên Dibistana Seretaî re biaxivin û bi wan re bişêwirin. Hûn dikarin her wisa bi Saziya Dibistanê ya Devera Herfordê yan jî navendên şewirmendiyê yê herêmî bo Devera Herfordê bişêwirin – binêre her wisa rûpel 3.

Li gorî her pêdiviyên piştgiriye li vê deverê dibistanên li gorî van baldariyên piştgiriye hene:

- Albert-Schweitzer-Dibistan, Herford** •
- Baldariya piştgiriye: Dibistana tevahiya rojê bo asta fêrbûn, destpêk û navîn
- Eickhofschule, Hiddenhausen** •
- Dibistana piştgir bo pêşketina sosyal û hîsî
- Asta navîn I
- Wittekindschule, Hiddenhausen** •
- Baldariya piştgiriye: Ziman
- Johannes-Falk-Haus, Hiddenhausen** •
- Baldariya piştgiriye: Pêşketina giyanî

Mor

© Bajarê Hansa Herford

Midûriya Perwerde, Ciwan û Sosyalê
Bajarê Hansa Herford
Beşa Perwerde û Sporê
Rathausplatz 1
Herford 32052
Telefon 05221 189-731
Faks 05221 189-533

**Berpirsyar di warê
mafê çapemeniyê de:**

Bajarê Hansa Herford
Şaredar

Redaksiyon:
Beşa Perwerde û Sporê,
Elmar Boenig, Heidi Pahmeyer

Nivîs:
Elmar Boenig, Susanne Körner

2018**Pêkhatin:**